

22. Bréf dómsmálastjórnarinnar til stiptamtmannsins yfir Íslandi, um heimtingu brennivínsgjalds.

1873.

25. marz.

Eptir að hingað hafði borizt álitsskjal yðar, herra stiptamtmaður, 29. júní f. á., um bænarskrá, þar sem íslenzkir kaupmenn nokkrir hér í borginni höfðu farið þess á leit, að gjörð yrði leiðrétting á ýmsum annmörkum og ófullkomlegleikum, sem þeim þókti vera á tilskipun handa Íslandi um gjald á brennivíni og öðrum áfengum drykkjum 26. febr. f. á., og sem þeir nákvæmar höfðu skýrt frá, hefir stjórnarráðið skrifazt á um málið bæði við utanríkisstjórnina og við aðalskattastjórnina, og þar eptir skrifað sækendunum 15. dag þ. m. á þá leið, sem þér munuð sjá af fylgiskjalinu, sem er prentað eptir stjórnartíðindunum dönsku fyrir yfirstandandi ár; höfum vér jafnframt sent sérhverjum lögreglustjóra á Íslandi beina leið sumpart eitt exemplar af fyrnefndu prentuðu fylgiskjali, sumpart umburðarbréf til leiðbeiningar við útreikning fyrnefnds gjalds, — en af því látum vér með þessu bréfi fylgja nokkur exemplör, — sumpart bók *R. W. Bauers „De vigtigste Landes og Stæders Maal, Vægt og Mønt“*, og er meðfylgjanda exemplar af bókinni ætlað landshöfðingjaembættinu.

Um leið og þetta gefst yður til vitundar, mælumst vér til, að þér segið lögreglustjórunum í suðurumdæminu fyrir, að fara eptir því, sem sagt er í svari stjórnarráðsins til kaupmannanna, og vísið þeim til þess, sem sagt er í bók *Bauers*, ef umburðarbréfið, sem þeim var sent, eigi hefir inni að halda næga tilsoðn við gjaldheimtuna.¹

23. Bréf dómsmálastjórnarinnar til landshöfðingjans yfir Íslandi, um dýralækni í suðuramtinu.²

15. apríl.

Í bréfi, dagsettu 27. f. m., hafið þér, herra landshöfðingi,

¹) Sama dag var hinum amtmönnum skrifað samhljóða bréf.

²) Tíðindi um stjórnarmálefni Íslands III., 170, 334.